

Sarkina Bt Mat Saad @ Shaari

From: Unit Komunikasi Korporat
Sent: Monday, February 13, 2017 4:01 PM
To: UUM - All Staff; UUM - All Students; Staf - Pesara UUM
Subject: UUM RTD Bincang Potensi 'Knowledge Science' Sebagai Satu Disiplin



Unit Komunikasi Korporat
CORPORATE COMMUNICATION UNIT
Universiti Utara Malaysia



13 FEBRUARI 2017 / 16 JAMADILAWAL 1438H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee

Gambar oleh: Hairul Nizam Zahari

UUM RTD BINCANG POTENSI 'KNOWLEDGE SCIENCE SEBAGAI SATU DISIPLIN



UUM ONLINE: Alor Setar - Bagi menilai potensi Sains Ilmu atau 'Knowledge Science' yang boleh menjadi satu disiplin di UUM dan Malaysia, Pusat Pengajian Pengurusan Teknologi (STML) menganjurkan Perbincangan Meja Bulat UUM bertajuk 'Knowledge Science As Integrated Discipline: Exploring For Malaysia' di TH Hotel, hari ini.

Program dengan kerjasama Japan Advanced Institute of Science and Technology (JAIST) itu telah dirasmikan Timbalan Naib Canselor (Penyelidikan dan Inovasi), Prof Dr Noor Azizi Ismail yang mewakili Naib Canselor.

Dalam ucapan beliau berkata, era sekarang bergantung kepada ilmu dan kuasa yang saling berkaitan dalam kehidupan manusia.

Katanya, ilmu pengetahuan memainkan peranan penting dalam pembangunan ekonomi, penjaan kekayaan dan kualiti hidup, contohnya Sains Ilmu yang berperanan dalam kehidupan masyarakat.

"Kita patut berterima kasih kepada kemajuan pembangunan sains dan teknologi sehingga kita mampu menyelesaikan isu-isu dalam masyarakat dengan adanya pengetahuan ini, sekali gus menyumbang kepada kemajuan.

"Melalui RTD ini, saya melihat peluang-peluang kerjasama dan pertukaran maklumat antara UUM dan JAIST, malah berharap STML dapat mengambil peluang ini untuk melangkah ke

hadapan dan mempromosikan konsep perkongsian ilmu, idea dan pengetahuan dengan JAIST," katanya.

Sementara itu, Pengarah Program, Dr Norani Nordin berkata, RTD tersebut antara tujuannya adalah untuk menyediakan satu forum interaksi antara pakar dalam Sains Ilmu.

Menurutnya, ia juga adalah bagi membangunkan pelan tindakan Sains Ilmu di Malaysia.

UUM RTD itu merupakan cetusan idea Naib Canselor, Prof Dato' Seri Dr Mohamed Mustafa Ishak dan JAIST yang melibatkan ahli akademik terkemuka dari Malaysia dan Jepun bagi membincangkan tentang Sains Ilmu sebagai disiplin bersepadu di Malaysia.

Program yang disertai lebih 50 ahli akademik UUM itu dimulakan dengan slot pertama bertajuk 'Knowledge Science In Japan and Potentiality for Malaysia' yang dikendalikan moderator, Prof Dato' Abdul Rahman Aziz bersama panel dari Universiti Kebangsaan Malaysia (UKM), Prof Ulung Datuk Dr Shamsul Amri Baharuddin dan Prof Dr Yukari Nagai dari JAIST.

Pada slot kedua, Prof Emeritus Dato' Abdul Kadir Lebai Din dari UUM dan Prof Dr Shungo Kawanishi membincangkan tajuk 'Applications of Knowledge Science in Social and Exonomic Developement' bersama moderator, Prof Dr Ku Ruhana Ku Mahmud.

Slot terakhir diadakan perbincangan meja bulat bertajuk 'Knowledge Science: Idea Generation For A Blueprint For Malaysia', diikuti perbincangan kolaborasi penyelidikan bersama JAIST.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
☎ 04-928 3048/3049/3052/3061
☎ 04-928 3053
✉ ukkuum@uum.edu.my
📘 Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.